

Kai Hinrichsen – nies niev meinascola sepresenta

Cun l'entschatta digl onn da scola 2010/11 ha Kai Hinrichsen surpriu la funcziun da menader da scola a Mustér. Quella incarica exequescha el en in mandat da 45 pertschien d'ina plazza cumpleina. Plinavon eis el era engaschaus parzialmein sco scolast secundar a Sedrun nua ch'el instruescha matematica ed engles.

Kai Hinrichsen, saveis Vos sepresentar cuortamein a nossas lecturas e nos lecturs?

Jeu sun carschius si a Domat ensemen cun miu frar schumellin ch'ei era scolast. Suenten la secunda secundara hael jeu frequentau il gimnasi alla scola cantunala a Cuera. Quella scola hael jeu terminau igl onn 1992 cun la maturitad dil tip E (economia). Suenten otg meins en survetsch militar ed in engaschi sco praticant tier la Banca cantunala grischuna a Cuera, hael jeu entschiet la stad 1993 miu studi da scolast secundar a l'universitad a Turitg.

Suenten haver terminau il studi 1997 e differentas substituziuns hael jeu naven da 1998 instruiu in onn scienziass naturalas ella scola S. Catarina a Casas.

Naven da 1999 entochen 2004 hael jeu luvrau per ina scola secundara privata a Cuera nua ch'jeu hael astgau rimnar custeivlas experientschas cun giuvenils, essend che la gronda part dallas scolaras e dils scolars duvravan ina tgira intensiva durant il temps d'emprender e far lur pensums en scola. Il medem temps hael jeu era frequentau la scolaziun per instruir engles sil scalem superiuir.

Ils davos sis onns hael jeu dau scola sil scalem superiuir a Valendau (consorzi da scola Stussavgia, Tenna, Versomi, Valendau) che vegn menaus gia dapi plirs onns tenor il model C.

Per dar ina cuorta eglia da sin mia veta privata: Dapi igl uost 2010 sundel jeu maridaus cun Petra Tuor-Hinrichsen. Jeu hael empriu d'enconuscher mia dunna avon biars onns cura ch'jeu erel commember activ dil Club d'unihoc Desertina Bulls. En miu temps liber fetschel jeu bugen sport, igl unviern

mondel jeu cun skis ed era cun aissa. Plinavon legel jeu bugen, cunzun litteratura englesa e visetel da temps en temps marcaus e tiaras jastras.

Tgei ha animau Vos da surprender la funcziun da meinascola a Mustér?

Suenten haver instruiu varga diesch onns sil scalem superiuir hael jeu aunc adina grond tschaffen vid l'instrucziun da giuvenils. Tuttina quetel jeu ch'ei seigi impurtont dad adina sesviluppar vinavon e per quei motiv era d'acceptar novas sfidas. Damai che mia dunna ha aviert sia nova pratica avon in onn erel era jeu alla tscherca d'ina nova plazza da lavur ella regiun da Mustér. La publicaziun d'in menader da scola en cumbinaziun cun ina plazza parziala sil scalem superiuir a Tujetsch ha immediat attratg mia atenziun. Quei possibilitescha a mi d'ina vart da frequentar la scolaziun interessanta per meinascolas e da l'autra vart da vinavon saver esser en contact cun giuvenils durant l'instrucziun a Sedrun.

Tgei saveis Vos rapportar da Vossa nova plazza da lavur suenter ils emprems dus meins?

Mia lavur ei fetg vasta e varionta. Miu sentiment ei che tuttas persunas d'instrucziun da nossa scola prendan serius lur lavur e che la responsabladad ei repartida bein. Ina scola sa mo haver success sche tuts e tuttas adempleschan lur incumbensas e sche la collaboraziun funcziunescha. Per quei drova ei oravontut respect e stema enviars ils conlucers, quei ch'ei evident tier nus.

Tgei finamiras haveis Vos tschentau per Vossa funcziun sco meinascola a Mustér?


La finamira principala sto esser da crear ina buna scola. In dils elements impurtonts leutier ei ch'ils scolasts san seconcentrar sin lur instrucziun. In'istrucziun d'aula qualitad vegn era oz aunc – e quei vegn era el futur buc a semidar – exequida da persunas d'instrucziun motivadas ed engaschadas. Jeu Mia incumbensa ei da crear e mantener quellas cundiziuns da basa aschia che nossa scola sa sesviluppar vinavon.

Tgeinins ein ils avantatgs ni disavantatgs d'ina scola menada?

In grond avantatg d'ina scola menada ei segir ch'ins sa agir spert senza gronda birocracia. Nossa scola ei sco nossa societad en transformaziun. Las midadas sespleigan en in ritmus pli e pli frequent e las incaricas vegnan adina pli complexas. Ina scola menada sa reglar talas incaricas a moda pli efficienta. Mo ins sto era s'engaschar persuenten per che memia biaras refuormas reduceschien buca la qualitad dalla scola.

Tgeininas vegnan ad esser las pli impurtontas incumbensas dalla politica da formaziun ils proxims onns?

Ei fuss impurtont ch'il sector da formaziun en Svizra vegness unificaus il futur.



Cuort e bien

Num: Hinrichsen
Prenum: Kai

Naschius: 25-03-1973

Domicil: Sedrun
Stadi civil: maridaus

Professiun: scolast secundar,
meinascola

Hobis: famiglia, sport, leger,
cuschinar

Quei munta ch'ls svilups actuals dil plan d'instrucziun 21 munglassen vegnir recepi ella revisiun dalla nova lescha da scola dil cantun Grischun. Puncts principals da quella revisiun ein l'introducziun dil temps da bloc e da survigilanza, sco era 40 jamnas da scola per onn. Auters aspects ein l'integraziun da tut ils affons cun basegns specials ella scola populara e la coordinaziun dils temps da vacanzas egl'entir cantun. Cun la refusa dalla nova ulivaziun da finanzas il mars 2010 havein nus la pusseivladad da saver coordinar meglier quellas duas intenziuns.

In problem pli e pli grond ei la munconza da scolasts ella scola populara. Gia oz mauncan persunas d'instrucziun da lungatg mumma romontsch e talian ed igl ei da temer che quei semuossi era beinspert per persunas d'instrucziun da lungatg mumma tudestg. Probablamein vegn la scola aulta da pedagogia dil Grischun il futur buca pli a saver garantir la formaziun d'avunda scolasts cun talas cumpetenzas linguisticas perquei ch'il diember d'interessents ses-

minuescha. Quella munconza sa sin liunga vesta influenzar negativamein la qualitat dalla scola. La damonda centrala ei perquei co ins sa augmentar l'attractivladad dalla professiun da scolast. Co san ins motivar dapli persunas giuvnas adattadas, oravontut masculinas e da lungatg mumma romontsch, per quella professiun. La revisiun actuala dalla lescha da scola stuess dar ina risposta sin quellas damondas.

In problem che fatschenta las autoritads dapi onns ei il diember sminuent d'affons. Tgei effect ha quei fenomen per la scola populara?

Damai ch'il diember da scolars ella regiun sereducescha vinavon ei la collaboraziun dil scalem ault inevitabla. Aschia vegnan baul ni tard era ils scalems superiors dallas vischnancas da Mustér e Tujetsch a stuer anflar in via da collaborar per saver mantener la qualitat dalla scola per in prezi raschuneivel.

Les Romanches en Romandie – Ils Romontschs en Svizra romanda

In vegl proverbi franzos di: „Un ami, c'est quelqu'un qui sait tout de toi, et qui t'aime quand même.“ – per romontsch: „In amitg ei enzatgi che sa tut da tei ed ha tonaton bugen tei.“ La conclusiun logica orda quei proverbi ei pia che in che sa nuot da tei sa buc esser Tiu amitg nundir haver bugen Tei.



viadi da treis dis dalla emprema reala e secundara

scolarAs dian dapli che grondas explicaziuns:

„... ins era sco en in dschungel cun en da tuttas sorts dinos.“ – „Ti eras sco en in uaul, ed x-enzacu steva in dino avon tei.“ – „... ils dinos han viu ora schi reals ...“ – „... ils dinosauriers havevan la vera grondezia.“

Tenor la plipart dils feedbacks sto l'activitad dil secund di, la viandada culs huskys esser stada il punct culminont digl'entir viadi:

„Il husky-treking era per mei il meglier.“ – „Jeu vess mai tertgau che huskys sappien vegnir aschi activs.“ – „Jeu sun stada surstada ch'ls huskys havevan aschi buna cundiziun.“ – „... els eran schi gnocs e leghers.“ Il tierz di essan serendi a Biel, nua che nus essan aunc vegni confruntau colla vart urbana dalla Romandia e sia industria dad uras, visitond il Museum d'Omega. Tgei variaziun dad uras che vegn cheu fabricada, e tgei prezis. Ina scolarA ha schau plascher ina cert'ura taluusa ch'el'ei ida per il catalog cun fatscha tarlischonta, per eventualmein saver dar in tip al Bambin – mo ell'ha turnau anavos il catalog cun fatscha contrastada, havend legiu il prezi da 43'500 francs.

Secapescha ch'era il „shopping“ el marcau da Biel ha buc astgau muncar: „Il marcau da Biel ha plaschiu a mi, perquei ch'ins haveva schi biaras pusseivladads.“ – „... ina pluna interessantas stizuns...“

Turnai a casa espriman differentAs scolarAs: „A mi ha plaschiu d'emprender d'enconuscher meglier la classa.“ – „... che nus vevan meglier in cun l'auter suenter il viadi che avon ...“ – „... e nus tschintschein uss'era pli bia in cun l'auter.“ „Jeu sun staus surstaus dil pass che la classa ha fatg...“, aschia Gabriel.

... Ed era sco igl'ei da mentener il contonschiu sa in proverbi franzos: „Il ne faut pas laisser croître l'herbe sur le chemin de l'amitié.“ – „Silla via dall'amicezia duess ins buca schar crescher pastg.“

Pertscharts da quei fatg essan nus, collega Catrina, Gabriel ed jeu, semess sin viadi cun nos 18 novs discipels che formavan dapi ferm quater jamnas nossa emprema classa dil scalem superior, denter nus bein ezaconTas che savevan ton sco nuot in da l'auter. „Cun l'intenziun da promover la formaziun d'in bien spért da classa ...“ essan nus pia La damaun dils 15 da settember allas 6:15 semess sin via per traversar l'entira Svizra cul liug da destin „Réclère“ orasum l'Ajoie sils cunfins dalla Frontscha. Duront il viadi havein equipau nossAs scolarAs cuagl instrumentari linguistic rudimentar per saver seriscuder per lur basegns vitals duront ils dis vegnents: „bonjour, Madame/Monsieur, merci beaucoup, de rien, bonne nuit“ eav.


Arrivai leu ha ei giu num retrer ils bungalows da quarter e deponer la bagascha, lu eisei stau uras da gentar el „Hôtel des Grottes“, nua che nus havein era giu las tscheinas ed ils solvers duront nossa dimora. Suentermiezdi ein las visetas dalla grotta e dil „Préhisto-Parc“ stadas sil program. ils suandonts resuns da

Nos scolarets sepresentan



Diego Blumenthal
(8-2-2005)

Jeu fetschel bugen cun poppas ed haiel bugen il tgaper dalla socca.



Leandro Oliveira
(2-8-2005)

Jeu fetschel bugen termagls cun Jaisy e cun mes amitgs.



Yanic Desax
(2-9-2005)

Jeu fetschel bugen termagls cun Jaisy e cul tren.




Sarina Durschei
(17-3-2005)

Jeu mirel bugen cudischs e fetschel bugen termagls cun poppas.



Joel Ismael Flury
(30-4-2005)

Jeu hai grond plascher dil tgaper dalla socca.



Ramon Manetsch
(6-9-2005)

Jeu fetschel bugen termagls cun clics.




Celine Albrecht
(30-9-2005)

Jeu malegiel bugen en scoletta.



Simon Venzin
(24-4-2005)

Jeu malegel bugen.



Nathanael Schmed
(4-11-2004)

Jeu fetschel bugen termagls cun clics.



Lauro Giger
(8-6-2005)

Jeu malegel bugen.




Nicole Campos Silva
(2-5-2005)

Jeu malegel bugen.



Anouk Lutz
(31-10-2005)

Jeu fetschel bugen termagls culla casa da poppas.



Diogo Ribeiro
(1-5-2005)

Jeu malegel bugen.



Jasmin Lutz
(16-9-2005)

Jeu fetschel bugen termagls culla casa da poppas.

Scola en moviment



Gliendisdis suentermiezdi, ils 20 da settember 2010 ha la scola da Mustér dau l'entschatta uficiala dil project „scola en moviment“ cun il kick off. Cun in cuort plaid da beinvegni da nies meinascola Kai Hinrichsen ha il kick off entschiet.

Silsuenter ein ils 200 affons da scola e scoletta vegni parti en 20 gruppas. Ils chefs e las chefas da gruppa (scolars e scolaras dil davos onn da scola) han giu da haver quita da lur affons e mirar ch'els seigien adina allas dretgas uras el dretg liug. Quellas gruppas mischedadas da pign e grond han promoviu fetg il contact denter ils differets scalems da scola.

Sin 20 differets posts, ch'èin vegni survegilai dils scolasts e dallas scolastas, han ils scolars e las scolaras survegniu dabia ideas ed impuls tgei far duront las pausas sin nies plaz scola. Ils posts ein stai reparti sin il plaz-scola, en halla Cons, en stanza da scola e vi el curtin dalla scoletta. Cheu entgens exempels dils 20 posts: tier la scolasta Olinda han ils affons empriu da ballantschar silla rolla bolla, il scolast Christoph ha mussau exercezis cun il diablolo, tier il scolast Gabriel han ils affons saviu ballantschar sur la slakline, la scolasta Pia ha mussau entgens giugs da lastic, tier la scolasta Irena ei la motorica fina dalla detta vegnida trenada cun far giugs da fil, il scolast Bruno ha mussau da schonglar cun ballas, il scolast Gion ha mussau co baghegiar tuors cun cups e tier il scolast Marcus ha ei dau pausas da serevegnir.

Ils commembers dil cussegl da scola ed era entgens geniturs han medemamein priu la peda ed ein vegni a mirar tgei che „scola en moviment“ ei. Quei ei segir stau interessant da mirar tier co pign e grond han luvrau sin mintga post. Nies plaz scola era empau sco in furnicler. Sergio Berger, igl enconuscent cutgnist da Mustér, ha giu la honur da montar la tabla uficiala vid nossa casa da scola. El ha giu grond plascher da quei suentermiezdi.

Sco finizium dil kick off havein nus comunablamain schau ir ballons cun vidlunder cartas. Lein mirar tgei ballun che fa il pli liung viadi? Ella proxima edizium da „nossa scola“ rapportein nus lu danunder che las cartas ein veginidas tarmessas anavos a nus.

In cordial engraziel fetg a tuts scolasts e tuttas scolastas, ch'èin segidai tier il beingartegiau kick off. Engraziel fetg era als chefs ed allas chefas da gruppa per lur agid ed engaschi.

Catarina Steger, promotura

Program da scola 2010/11

Scola	gliendisdis	16-08-10	–	venderdis	08-10-10
Vacanzas d' atun	gliendisdis	11-10-10	–	venderdis	22-10-10
Scola	gliendisdis	25-10-10	–	mesjamna	22-12-10
Vacanzas da Nadal	gievgia	23-12-10	–	mesjamna	05-01-11
Scola	gievgia	06-01-11	–	venderdis	25-02-11
Vacanzas da sport	gliendisdis	28-02-11	–	venderdis	04-03-11
Scola	mardis	08-03-11	–	venderdis	29-04-11
Vacanzas da primavera	gliendisdis	02-05-11	–	mesjamna	11-05-11
Scola	gievgia	12-05-11	–	mesjamna	22-06-11

Finizium digl onn da scola 2010 / 11

mesjamna ils 22-06-2011

Entschatta digl onn da scola 2011 / 12

gliendisdis 22-08-2011

Firaus e dis libers:	Numnasontga	01-11-2010
	s. Martin (fiera)	suentermiezdi liber
	gliendisdis tscheiver	07-03-2011
	s. Giusep (venderdis)	19-03-2011
	Pastgas	22-04-2011 tochen 25-04-2011
	Anceinza	02-06-2011
	scolaziun interna	03-06-2011
	Gliendisdis-Tschuncheismas	13-06-2011
	Sontgilcrest	23-06-2011